

吳
興
藝
文
補

吳興藝文補卷之四十六目錄

朱慶餘

吳興新隄

沈徽

吳興人

古典二首

釋無可

送錢給事赴號州

徽

楊漢公

湖州銷暑樓寄東川汝士

樓在譙門東

明月樓

在子城西南隅

許渾

贈閑師

紫藤

李商隱

擬沈下賢詩

下賢名亞之

石貫

見前

放榜後和主司王起詩

張文規

湖州貢焙新茶

嚴憚

烏程人

惜花

杜牧

題安州浮雲寺樓寄湖州張郎中

茶山下作

春日茶山病不飲酒因呈賓客

不飲贈官妓

早春贈軍事薛判官

代吳興妓春初寄薛軍事

新轉南曹未敘朝散初秋暑退出守吳興書此篇
以自見志

將赴湖州留題亭菊

將赴吳興登樂遊原一絕

和嚴憚落花

漁父

王樞

和嚴子重惜花詩

子重憚字

錢可復 徽子

鷺出谷 省試

趙嘏

西峰卽事獻沈大夫 傅師

宛陵寓居上沈大夫

落第寄沈詢 沈詢兗蒲

姚合

寄楊工部聞毘陵舍弟自谿溪入茶山

秦韜玉

採紫筍茶歌

李郢

茶山貢焙歌

上元日寄湖杭二從事

陸龜蒙

茶塢

茶人

茶筍

茶簾

茶舍

茶竈

茶焙

茶鼎

茶甌

煮茶

和陽進士嚴子重詩并序

箬溪書事

大湖叟

皮日休

茶塢

茶人

茶筍

茶籠

茶舍

茶竈

茶焙

茶鼎

茶甌

煮茶

邵謁

覽孟東野集

方干

泛太湖

沈顏

見前

書懷寄友人

沈詢

更着宴詞

釋歸仁

酬沈顏先輩卷

曹松

陪湖州李中丞宴隱溪

吳融

湖州溪樓書獻鄭員外

湖州晚望

離霄溪感事獻鄭員外

湖州朝陽樓

韋莊

酬吳秀才雪川相送

寄湖州舍弟

含山店夢覺

含山在歸安

李昭象

顧雲在淮南以學仙詞寄之

顧雲寓公

錢珣

見前

客舍寓懷

送王郎中

春恨三首

蜀國偶題

未展芭蕉

胡傳美

武康碧落觀

羅隱

送沈光侍御赴職閩中

沈光吳興人

送沈光及第後東歸兼赴嘉禮

寄第五尊師

送雪川鄭員外

冬暮寄裴郎中

湖州裴郎中赴闕後投簡寄友生

秋日泊平望驛寄太常裴郎中

送顧雲下第

烏程酒

杜荀鶴

送人宰德清

李洞

送沈光赴福幕

顧雲

見前

苔歌

鄭谷

送沈光

同志慰顧雲下第往京偶有寄勉

張喬

送三傳赴長城尉

胡釘鉸

霽人

喜圃田韓少府見訪

觀鄭州崔郎中諸妓繡樣

江際小兒垂釣

詩

孫元宴

陳武帝蚌盤

蔡搏

梁時郡守

姚察

錢鏐

題湖州嬰蘭堂

錢信

平望贈蛟

警溪諸神

境會夜宴詩歌

共計十
一首

吳興藝文補卷之四十六目錄終

吳興藝文補卷之四十六

烏程董斯張遐周彙編

閔元衢康侯叅輯

韓昌箕仲弓增定

吳興新隄

朱慶餘

春隄一望思無涯
樹勢還同水勢斜
深映菰蒲三十里
晴分功利幾千家
謀成既不勞人力
境遠偏宜隔浪花
若與青山長作固
汀洲肯恨柳絲遮

古興二首

沈徽

蔓草自細微
女蘿始天天
負緣至百尺
榮耀非一朝
惠

色高碧嶺流芳薄丹霄如何摧秀木正爲餘波漂莖葉
洛巖跡英蕤從風颺洪柯不足恃况乃託陵茗

長安富豪右信是天下樞歲里笙歌發禁門冠蓋趨攀
雲無醜土唾地盡成珠日晏下雙闕煙花亂九衢恩榮
在片言零落亦須臾何意還自及曲池今已蕪

送錢給事赴虢州

徽

釋無可

帝心憂競俗暫輟掖垣臣疲瘵初承制鄉閭似得春化
成應有瑞位重轉聞貧用作鹽梅日爭迴卧轍人

湖州銷暑樓寄東川汝士

楊漢公

岩巖下瞰雲溪流極目煙波望梓州雖有清風當夏景
只能銷暑不銷憂

明月樓

楊漢公

吳興城闕水雲中畫舫青簾處處通溪上玉樓樓上月
清光合作水晶宮

贈閑師

許渾

近日高僧更有誰死陵山下遇閑師東林共許三乘學
南國爭傳五字詩初到瘦樓紅葉墜夜投蕭寺碧雲隨
秋江莫惜題佳句正好磷磷見底時

紫藤

許渾

綠蔓穠陰紫袖低
客來留坐小堂西
醉中掩瑟無人會
家住江南菴霽溪

擬沈下賢詩

李商隱

千二百輕鸞春衫瘦
着寬倚風行稍急
含雪語應寒帶
火遺金斗兼珠碎
玉盤河陽看花過
曾不問潘安

放榜後和王司王起詩

石貫

重德由來爲國生
五朝清顯冠公卿
風波久佇濟川楫
羽翼三遷出谷鶯
絳帳青衿同日貴
春蘭秋菊異時榮

孔門弟子皆賢哲誰料窮儒忝一名

湖州貢焙新茶

張文規

鳳輦尋春半醉回仙娥進水御簾開牡丹花笑金鋪動
傳奏吳興紫笋來

惜花

嚴 暉

春光冉冉歸何處更向花前把一杯盡日問花花不語
爲誰零落爲誰開

題安州浮雲寺樓寄湖州張郎中

杜 牧

去夏疎雨餘同倚朱欄語當時樓下水今日到何處恨

如春草多事與孤鴈去楚岸柳無窮

集作何

別愁紛若絮

茶山下作

杜牧

春風最窈窕日曉柳村西
嬌雲光占岫健水鳴分溪
燎巖野花遠憂瑟幽鳥啼
把酒坐芳草亦有佳人攜

春日茶山病不飲酒因呈賓客

杜牧

笙歌登畫舫十日清明前
山秀白雲膩溪光紅粉鮮
欲開未開花半陰半晴天
誰知病太守猶得作茶仙

不飲贈官妓

杜牧

芳草正得意汀洲日欲西
無端午樹柳更拂一條谿
幾

朶梅堪折何人手好攜誰憐佳麗地春恨却悽悽

早春贈軍事薛判官

杜牧

雪後新正半春來四刻長晴梅朱粉豔嫩水碧羅光絃
管開雙調花鈿坐兩行唯君莫惜醉認取少年場

代吳興妓春初寄薛軍事

杜牧

霧冷侵紅粉春陰撲翠鈿自悲臨曉鏡誰與惜流年柳
暗霏微雨花愁黯淡天金釵有幾隻抽當酒家錢

新轉南曹未叙朝散初秋暑退出守吳興書此篇

以自見志

杜牧

捧詔汀洲去全家羽翼飛喜拋新錦帳榮偕舊朱衣且
免材爲累何妨拙有機宋株聊自守魯酒怕旁圍清尚
寧無素光陰亦未稀一杯寬幕席五字弄珠璣越浦黃
柑嫩吳溪紫蟹肥平生江海志佩得左魚歸

將赴湖州留題亭菊

杜牧

陶菊手自種楚蘭心有期遙知渡江日正是擷芳時
將赴吳興登樂遊原一絕

杜牧

清時有味是無能閒愛孤雲靜愛僧欲把一麾江海去
樂遊原上望昭陵

和嚴暉落花

杜牧

共惜流年留不得且環流水醉流杯
無情紅豔年年盛不恨凋零却恨開

漁父

湖州

杜牧

蘆花深澤靜垂綸月夕煙朝幾十春
自說孤舟寒水畔不曾逢着獨醒人

和嚴子重惜花詩

王樞

花落花開人世夢衰榮閒事且持杯
春風底事輕搖落何事從來不要開

鶯出谷

省試

錢可復

玉律陽和變時禽羽翮新軟飛初出谷一轉已驚人拂
柳宜煙暖衝花覺路春搏風翻翰疾向日弄吭頻求友
心何切遷喬幸有因華林高玉樹棲托及芳晨

西峯卽事獻沈大夫

趙嘏

松竹閑遊道路身衣襟落盡往來塵山連謝宅餘霞在
水映琴溪舊浪春拂榻從容今有地酬恩寂寞久無人
安知不及屠沽者曾對青萍淚滿巾

宛陵寓居上沈大夫

趙嘏

溪樹參差綠可攀
謝家雲水滿東山
能忘天上他年貴
來結林中一日閑
醉叩玉盤歌裊裊
煖鳴幽澗鳥關關
觥籌不盡須歸去
路在春風縹緲間

落第寄沈詢

趙嘏

穿楊力盡獨無功
華髮相期一夜中
別到江頭舊吟處
爲將雙淚問春風

寄楊工部聞毗陵舍弟自罨溪入茶山

姚合

採茶溪路好花影半浮沉
畫舸僧同上春山客共尋芳

新生石際幽嫩在山陰色是春光染香驚日氣侵試嘗
應酒醒封進定恩深芳眸千里外怡怡太府吟

採紫筍茶歌

秦韜玉

天柱香芽露香發爛研瑟瑟穿荻箴太守憐才寄野人
山童碾破團圓月倚雲便酌泉聲煮獸炭潏然蚌珠吐
看着晴天旱日明鼎中颯颯篩風雨老翠香塵下纔熟
攪時纔筋天一作愁雲綠耽書病酒雨多情坐對闌甍睡
先足洗我胷中幽思清鬼神應愁歌欲成

茶山貢焙歌

李郢

使君愛客情無已客在金臺價無比春風三月貢茶時
盡逐紅旌到山裏焙中清曉朱門開篋箱漸見新茶來
凌煙觸露不停採官家赤印帖連催朝饑暮餉誰興哀
喧闐競納不盈掬一時一晌還成堆蒸之馥之香勝梅
研膏駕動轟如雷茶成拜表貢天子萬人爭噉春山摧
驛騎鞭聲若流電半夜驅夫誰復見十日王程路四千
到時須及清明宴吾君可謂納諫君諫臣不諫何由聞
九重城裏雖玉食天涯吏役長紛紛使君憂民慘容色
就焙嘗茶坐諸客幾回到口重咨嗟嫩綠鮮芳出何力

山中有酒亦有歌樂營房戶皆仙娥仙房十隊酒百斛
金絲宴饌隨經過使君是日憂思多客亦無言徵綺羅
殷勤繞焙復長歎官府例成竟如何吳民吳民莫憔悴
使君作相期蘇爾

上元日寄湖杭二從事

李 郢

戀別山鐙憶水鐙山光水燄百千層謝公留賞山公喚
知人笙歌阿那朋

茶塢

陸龜蒙

茗地曲隈回野行多繚繞向陽就中密背澗差還少遙

盤雲髻慢亂簇香篝小何處好幽期滿巖春露曉

茶人

陸龜蒙

天賦識靈草自然鍾野姿閒來北山下似與東風期雨

後探芳去雲間幽路危唯應報春鳥得共斯人知

顧渚山有

報春鳥

茶筍

陸龜蒙

所孕和氣深時抽玉茗短輕煙漸結華嫩蘂初成管尋
來青靄曙欲去紅雲暖秀色自難逢傾筐不曾滿

茶籬

陸龜蒙

金刀劈翠筠織似波紋斜製作自野老携持伴山娃昨
日闌烟粒今朝貯綠華爭歌調笑曲日暮方還家

茶舍

陸龜蒙

旋取山上材架爲山下屋門因水勢斜壁任巖隈曲朝
隨鳥俱散暮與雲同宿不憚採掇勞祇憂官未足

茶竈

經云茶竈無突

陸龜蒙

無突抱輕嵐有煙映初旭盈鍋玉泉沸滿甌雲牙熟奇
香襲春桂嫩色凌秋菊煬者若吾徒年年看不足

茶焙

陸龜蒙

左右擣凝膏朝昏布煙縷方圓隨樣拍次第於層取山
謠縱高下火候還文武見說焙前人時時炙花脯紫花
焙人
以花
爲脯

茶鼎

陸龜蒙

新泉氣味良古鐵形狀醜那堪風雪夜更值煙霞友曾
過潁石下又住清溪口潁石清溪皆
江南出茶處且共薦臯虞茶名何
勞傾斗酒

茶甌

陸龜蒙

昔人謝塢垞徒爲妍詞餘劉孝威集有
謝塢垞啟豈如珪璧姿又

有煙嵐色光參筠席上韻雅金壘側直使于闐君從來
未嘗識

煮茶

陸龜蒙

閑來松間坐看煮松上雪時于浪花裏併下藍英未傾
餘精爽健忽似氛埃滅不合別觀書但宜窺玉札

和傷進士嚴子重詩

并序

陸龜蒙

嚴子重以詩遊於名勝間舊矣余晚於江南相遇甚
樂不幸且沒襲美作詩序而弔之其名真不朽矣又
何戚其死哉余因息悲而爲之和

每值江南日落春十年詩酒愛逢君
芙蓉湖上吟船倚翡翠巖前醉馬
分祗有汀洲連舊業豈無章疏動遺
文猶憐未卜佳城處更勵嬰離塚畔
雲

溪上閒書

陸龜蒙

病學高僧置一床披書纔罷卽焚香
閒堦雨過苔花潤小簟風來薤葉涼
京南國羽書催部曲東山毛褐傲羲
皇昇平人道無時節試問中林亦不妨

簞溪書事

陸龜蒙

時候頻過小雪天江南寒色未多偏
楓汀尚相荅人別

麥隴惟應野雉眠更擬結茅臨水次偶因行樂到村前
鄰翁意緒相安慰多說明年是稔年

太湖叟

陸龜蒙

細漿輕船買石歸酒痕狼籍偏苦衣攻車戰艦繁如織
不肯回頭問是非

茶塢

皮日休

開尋堯市山遂入深山塢種薺已成園栽葭寧記畝石
窪泉似掬巖碑雲如縷好是夏初時白花滿樹雨

茶經云其

花白如

雪

茶人

皮日休

生於顧渚山老在漫石塢語氣爲茶薜衣香是煙霧庭

從櫨

女耿反其木如玉色渚人以爲杖

子遮果任獮師虜日晚相笑歸

腰間佩輕篲

茶筍

皮日休

裊然三五寸生必依巖洞寒恐結紅鉛暖疑銷紫汞圓如玉軸光脆似瓊英凍每爲遇之疎南山挂幽夢

茶籬

皮日休

食勞曉携去慕個山桑塢開時送紫茗負處沾清露歇

把傍雲泉歸將挂煙樹滿此是生涯黃金何足數

茶舍

皮日休

陽崖枕白屋幾口嬉嬉活棚上汲紅泉焙前蒸紫蕨乃
翁研茗後中婦拍茶歇相向掩柴扉清香滿山月

茶竈

皮日休

南山茶事動竈起巖根傍水煮石髮氣薪然杉脂香青
瓊蒸後凝綠髓炊來光如何重辛苦一一輪膏粱

茶焙

皮日休

鑿彼碧巖下恰應深二尺泥易帶雲根燒難碍石脉初

能燥金餅漸見乾瓊液九里共杉林

皆焙名

相望在山側

茶鼎

皮日休

龍舒有良匠鑄此佳樣成立作齒蠶勢煎爲潺湲聲草堂暮雲陰松窻殘雪明此時勺復茗野語知逾清

茶甌

皮日休

邢客與越人皆能造茲器圓似月魂墮輕如雲魄起棗花勢旋眼蘋沫香沾齒松下時一看支公亦如此

煮茶

皮日休

香泉一合乳煎作連珠沸時看蟹目濺乍見魚鱗起聲

疑松帶雨倬恐生烟翠尚把瀝中山必無千日醉

覽孟東野集

邵謁

蚌死留夜光劍折留鋒鏃哲人歸大夜千古傳珪璋
璋徧四海人倫多變改題花花已無翫月月猶在不知
天地間白日幾時昧

泛太湖

方干

長天接廣澤二氣共含秋舉目無平地何心戀直鉤孤
鐘鳴大岸片月落中流却憶鴟夷子當時此泛舟

書懷寄友人

沈顏

江湖勞遍尋，祇自長愁襟。到處慵開口，何人可話心。
登樓得句遠，望月抒情深。却憶山齋後，猿聲相伴吟。

更著宴詞

沈詢

莫打南來鴈，從他向北飛。打時雙打取，莫遣兩分離。

酬沈顏先輩卷

釋歸仁

一百八十首清泠韻，可敲任從人不愛。終是我難拋，桂魄吟來滿蒲團。坐得凹先生聲韻在，寰宇幾人抄。

陪湖州李中丞宴隱溪

曹松

竹林啼鳥不知休，羅列飛橋水亂流。觸散柳絲迴玉勒，

約開蓮葉上蘭舟
酒邊舊侶真何處
雲裏新聲是莫愁
若值主人嫌晝短
應陪秉燭夜深遊

湖州溪樓書獻鄭員外

吳融

危檻等飛檣
閒追晚際涼
青林上雨色
白鳥破溪光
目以高須極
心因靜更傷
唯公舊相許
早晚侍長楊

湖州晚望

吳融

鼓角迎秋晚
韻長斷虹疎
雨間微陽雨
條溪水分頭
碧四面人家入
骨涼獨鳥歸
時雲間迴殘
蟬急處日爭忙
他年若得壺中術
一簇汀洲盡貯將

離雪溪感事獻鄭員外

吳融

足恨饒悲不自由，萍無根蒂水長流。
庾公明月吟連曙，謝守青山看入秋。
一飯意專堪便死，千金諾在轉難酬。
雲沉鳥去回頭否，平子才多好賦愁。

湖州朝陽樓

吳融

十二亭亭占曉光，隋家浪說有迷藏。
仲宣題盡平生恨，別處應難看屋梁。

酬吳秀才雪川相送

韋莊

一葉南浮去似飛，楚鄉雲水本無依。
離心不忍聞春鳥，

病眼何曾送落暉
摻袂客從花下散
棹舟人向鏡中歸
夫君別我應惆悵
十五年來識素衣

寄湖州舍弟

韋莊

半年江上愴離襟
把得新詩喜又吟
多病似逢秦氏藥
久貧如得顧家金
雲烟但有穿楊志
塵土都無作吏心
何況別來詞轉麗
不愁明代少知音

含山店夢覺作

韋莊

曾是流離慣別家
等閑揮袂各天涯
燈前一夢江南覺
惆悵起來山月斜

顧雲在淮南以學仙詞寄之

李昭象

記得蠟傳九轉方碧雲峰下祝虛皇丹砂未熟心徒切
白日難留鬢欲蒼無路洞天尋穆滿有時人世羨劉郎
仙人恩重何由報焚盡星壇午夜香

客舍寓懷

錢珣

灑灑灘聲晚霽時客亭風袖半披垂野雲行止誰相待
明月襟懷祗自知無伴偶吟溪上路有花偷笑臘前枝
牽情景物潛惆悵忽似傷春遠別離

送王郎中

錢珣

惜別遠相送却成惆悵多獨歸迴首處爭奈暮山何

春恨三首

錢珣

負罪將軍在
北朝秦淮芳草綠迢迢
高樓愛妾魂銷盡
始得丘遲爲一招

久成臨洮報未歸
篋香銷盡別時衣
身輕願比蘭堦葉
萬里還尋塞草飛

永巷頻聞小苑遊
舊恩如淚亦難收
君前願報新顏色
團扇須防白露秋

蜀國偶題

錢珣

忽憶明皇西幸時
暗傷潛恨竟誰知
佩蘭應語宮臣道
莫向金盤進荔枝

未展芭蕉

錢 翊

冷燭無煙綠蠟乾
芳心猶卷怯春寒
一緘書劄藏何事
曾被東風暗折看

武康碧落觀

胡 蓀美

仙宮碧落太微書
遺迹依然掩故居
幢節不歸天杳邈
烟霞空鎖日幽虛
不逢金簡扳雲洞
可惜瑤臺叠薜除
欲脫儒衣陪羽客
傷心齒髮已凋疎

送沈光侍御赴職閩中

羅隱

未至應居右全家出帝鄉
禮優逢死雪官重帶臺霜
夜浦吳潮吼春灘建水狂
延平有風雨從此是騰驤

送沈光及第後東歸兼赴嘉禮

羅隱

青青仙桂觸人香
白苧衫輕稱沈郎
好繼馬卿歸故里
况聞山簡在襄陽
杯傾別岸應須醉
花傍征車漸欲芳
擬把金錢贈嘉禮
不看栖屑困名場

寄第五尊師

羅隱

茗溪烟月久因循
野鶴衣裘獨蠶綸
只說泊船無定處

不知携手是何人
朱黃揀日因尸鬼
青白臨時注精神
欲訪先生問經訣
世間難得自由身

送雪川鄭員外

羅隱

明時憲詔列分麾
東擁朱輪出帝畿
鰐虎貴提天子印
銀魚榮傍老萊衣
歌聽茗塢春山暖
詩咏蘋洲暮鳥飛
知有掖垣南步在
可能須待政成歸

冬暮寄裴郎中

羅隱

曉髮星星入鏡宜
早年容易近年悲
敢言得事時將晚
只恐酬恩日漸遲
南國傾心應望速
東堂開口欲從誰

仙郎舊有黃金約
瀝膽墮肝更禱祈

湖州裴郎中赴闕後投簡寄友生

羅隱

錦帳郎官塞詔年
汀洲曾駐木蘭舡
衡酒醒春瓶到
柳憚詩成海月圓
歌感遠山珠滴滴
漏催香燭淚連連
使君入拜吾徒在
宣室他時豈偶然

秋日泊平望驛寄太常裴郎中

羅 隆

蘋洲重到杳難期西倚郵亭憶往時北海樽中常有酒
東陽樓上豈無詩地清早負生靈望官重方升禮樂司
聞說江南舊歌曲至今猶自唱吳姬

送顧雲下第

羅隱

行行杯酒莫辭頻，慙歎勞歌兩未伸。
漢帝後宮猶識字，楚王前殿更無人。
年深旅舍衣裳敝，潮打村田活計貧。
白歲都來多幾日，不堪相別又傷春。

烏程酒

羅隱

兩府攀陪十五年，郡中甘雨幕中蓮。
一缸猶是烏程酒，須對霜風度泫然。

送人宰德清

杜荀鶴

亂世人多事，耕桑或失時。
不聞寬賦歛，因此轉流離。
天

意未如是君心無自欺能依四十字可立德清碑

送沈光赴福幕

李洞

泉齊嶺鳥飛雨熟荔枝肥南斗看應近北人來恐稀潮
浮廉使宴球照島僧歸幕下逢遷拜何官着茜衣

苔歌

顧雲

臨前溪奪秋空色百丈潭心數砂礫松筠

修條長

碧苔苔色碧于溪水碧波迴梳開孔雀尾根細貼青盤

陀石撥浪輕拈出少時一髻濃煙三四尺山光日華亂

相射靜縹藍鬢勻篋積試把臨流

一作風

料撥看珊瑚珠

子淚雙滴如看玉女洗頭處解破雲鬟收未得卽是仙
宮欲製六銖衣染絲未倩鮫人織採之不敢盈筐篋苦
把龍神河伯惜瓊蘓玉鹽爛慢煮嚙入丹田續靈液會
待功成插翅飛蓬萊頂上尋仙客

送沈光

鄭谷

九陌低迷誰問我五湖流浪可悲君著書笑破蘇司業
賦詠思齊鄭廣文理棹好攜三百首阻風須飲幾十分
耒陽江口春山綠慟哭應尋杜甫墳

同志慰顧雲下第住京偶有寄勉

鄭谷

雲爲虞部郎中高駢淮南從事駢章疏不恭皆雲之
辭也雲著述目爲鳳策聯華

鳳策聯華是國華春來偶未上仙槎鄉連南渡思菰米
淚滴東風避杏花吟聒春鶯歸廟院睡消遲日寄僧家
一般情緒應相信門靜莎深樹影斜

送三傳赴長城尉

張喬

登科精魯史爲尉及良時高論窮諸國長才併幾司地
傾流水疾山疊過雲遲暇日琴書畔何人對手棋

喜圃田韓少府見訪

胡釘鉸

忽聞梅福來相訪
笑著荷衣出草堂
兒童不慣見
寧爲爭入蘆花深處藏

觀鄭州崔郎中諸妓繡樣

胡釘鉸

日暮堂前花蕊嬌
爭拈小筆上牀描
繡成安向春園裏
引得黃鶯下柳條

江際小兒垂釣

胡釘鉸

蓬頭稚子學垂綸
側坐蒼苔草映身
路人借問遙招手
只恐魚驚不應人

詩

胡釘鉸

胡風似劍鏤人骨漢月如鈎釣胃腸魂夢不知身在路
夜來尤自到昭陽

陳武帝蚌盤

孫元晏

金翠絲簧略不舒蚌盤清宴意何如豈知三閣繁華王
解爲君王妙破除

蔡樽

孫元晏

紫茄白莧以爲珍守任清真轉更貧不飲吳興郡中水
古今能有幾多人

姚察

孫元晏

曾佐徐陵向北遊
剖陳疑事動名流
却歸掌選清何甚
一匹花縑不肯收

題湖州嬰蘭堂

關文見吳越備史

錢鏐

須將一片地付與有心人

平望贈蚊

錢信

安得神仙術試爲施
康濟使此平望村
如吾江子匪

嘗人蔣琛每秋冬于霅溪太湖中流設網罟以給食

一夕風雨晦冥聞波間洶湧見太湖霅溪松江神境
會川瀆諸長湘王范相國汨羅屈副使申徒先生鵠

夷君徐衍處士亦應召焉將飲有女樂數十輩俳優
揚言曰皤皤美女唱公無渡河歌竟曹娥唱怨江波
一疊四座爲之慘容于是太湖神起舞歌白露溥江
神傾杯歌夜來渡口雪溪神歌山勢縈迴湘王歌渺
渺烟波范相國獻境會夜宴詩徐衍處士獻境會夜
宴并簡范詩屈大夫左持盃右擊盤朗朗作鳳鸞鸞
之歌申屠先生亦獻境會夜宴詩鴟夷君銜杯而歌
雲集大野歌終雪郡城樓早鼓絕

見集異記

公無渡河歌

皤皤美女

濁波揚揚兮凝曉霧公無渡河兮公竟渡風號水激兮
呼不聞提衣看入兮中流去浪排衣兮隨步沒沈屍深
入兮蛟螭窟蛟螭盡醉兮君血乾推出黃沙兮泛君骨
當時君死兮妾何適遂就波瀾兮合魂魄願持精衛銜
心石窮河源塞泉脉

怨江歌五疊之一

曹娥

悲風淅淅兮波緜緜蘆花萬里兮凝蒼烟虬螭窟宅兮
淵且玄排波疊浪兮沈我天所覆不全兮身寧全溢眸
恨血兮徒漣漣誓將柔荑抉鋸牙之喙空水府而藏其

腥涎青娥翠黛兮沈江壖碧雲斜月兮空嬋娟吞聲飲
恨兮語無力徒揚哀怨兮登歌筵

白露溥歌

太湖神

白露溥兮西風高碧波萬里兮翻洪濤莫言天下至柔
者載舟覆舟皆我曹

夜來渡口歌

江神

君不見夜來渡口擁千艘中載萬姓之脂膏當樓船泛
泛於疊浪恨珠貝又輕於鴻毛又不見潮來津亭維一
舸中有一士青其袍赴宰邑之良日任波吼而風號是

知溺名溺利者不免爲冰府之腥臊

山勢縈迴歌

雪溪神

山勢縈迴水脉分水光山色翠連雲四時盡入詩人詠
役殺吳興柳使君

渺渺烟波歌

湘王

渺渺烟波接九嶷幾人經此泣江籬年年綠水青山色
不改重華南狩時

獻境會夜宴詩

范相國

浪闊波澄秋氣涼沈沈水殿夜初長自憐休退五湖客

何幸追陪百谷王香裊碧雲飄
几席觥飛白玉灑椒漿
酒酣獨泛扁舟去笑入琴高不死鄉

獻境會夜宴并簡范詩

徐衍處士

珠光龍燿火燐燐夜接朝
雲宴渚宮鳳管清吹淒極浦
朱絃閒奏冷秋空論心幸遇同歸友
揣分慙無輔佐功
雲雨各飛真境後不堪波上起悲風

鳳鸞騫歌

屈原

鳳鸞騫以降瑞兮
患山雞之雜飛
玉溫溫以呈器兮
因賦秩之爭輝
當侯門之四闢兮
豈嘉謨之重屏
既瑞器

而無庸兮宜昏暗之相微徒剜石以爲舟兮顧沿流而
志違將刻木而作羽兮與超騰之理非矜子子於空
兮靡羣援之可依血淋淋而滂流兮顧江魚之腹而將
歸西風蕭蕭兮湘水悠悠白芷芳歇兮江蘼秋日晚
暍兮雲收棹四起兮悲風幽羈魂汨沒兮我名永浮碧波
雖涸兮厥譽長流向使耳言順行於曩昔豈今日居君
王之座頭是知貪名徇祿而隨世磨滅者雖正寢之死
乎無得與吾儔當鬪足之嘉會兮獲周旋於君侯雕盤
玉豆兮羅珍羞金危瓊華兮方獻酬敢寫心兮歌一曲

無謂余持盃以淹留

獻境會夜宴詩

申屠先生

行殿秋未晚水宮風初涼誰言此中夜得接朝宗行靈
鼉振鬐鬣神龍耀煌煌紅樓壓波起翠幄連雲張玉簫
冷吟秋瑤瑟清含商賢臻江湖叟貴列川瀆王諒予衰
俗人無能振積綱分辭皆亂世樂寐蛟螭鄉棲遲幽岳
間幾見波成桑爾來盡流俗難與傾壺觴今日登華筵
稍覺神揚揚方歡滄浪侶遽恐白日光海人瑞錦前豈
敢言文章聊歌靈境會此會誠難忘

雲集大野歌

鴟夷君

雲集大野兮血波洶洶玄黃交戰兮吳無全壘旣霸業
之將墜宜嘉謨之不從國步顛蹶兮吾道遵凶處鴟夷
之大困入淵泉之九重上帝愍余之非辜兮仰大江鼓
怒其冤踪所以鞭浪山而疾驅波岳亦粗足展余拂鬱
之心曾當靈境之良宴兮謬尊俎之相容擊簫鼓兮撞
歌鐘吳謳越舞兮歡未極遽軍城曉鼓之鼙鼙願保上
善之柔德何行樂之地兮難相逢